

Davlat va huquq asoslari fanidan loyiha ishi.

Mavzu: Mehnat qonunchiligida yoshlar uchun imtiyozlar.

Eslatma: *Loyiha ishi mavzusini o'quvchilar o'zlari ham tanlashlari mumkin.*

Format: Loyiha ishi (videorolik, slayd, so'rovnomalar o'tkazish, tadqiqotlar olib borish va boshqalar tavsiya etiladi)

Fanlararo integratsiyalashuvi: Tarix, tarbiya va informatika ...

Muammo:

– Voyaga yetmagan shaxsning ishlashi qonuniymi: talablar va imtiyozlar.

Maqsad:

- huquqiy savodxonlikni rivojlantirish;
- hamkorlikda ishlash rivojlantirish;
- tanqidiy tahlil qilishni shakllantirish va rivojlantirish.

Loyiha ishi bo'yicha o'quvchilarda shakllanadigan ko'nikmalar:

- O'zbekiston Respublikasi Konstitutsiyasi va qonunlarida belgilangan huquqlarni hurmat qilish;
- huquqiy ong va huquqiy tafakkurni rivojlantirish;
- mehnatga oid munosabatlarni tushuntira berish;
- ishga joylashtirish uchun zarur hujjatlar, elektron mehnat daftarchasi haqida bilish, tahlil qila olish;
- ish vaqti va dam olish vaqti haqida bilish, tahlil qila olish;
- ayrim toifadagi xodimlarga beriladigan qo'shimcha kafolat va imtiyozlar haqida bilish, munosabat bildirish olish;
- yoshlar uchun qo'shimcha imtiyozlar haqida bilish va qo'llay olish;
- huquqiy voqea va hodisalarni idrok qilish, tushunish, tushuntirib berish;
- bir-birini takrorlamaydigan g'oyalarni tadbiq qilish;
- kreativlik;
- nutq madaniyati;
- jamoa bilan ishlash ko'nikmalari (jamoada 4-7 nafar o'quvchi ishtirok etishi tavsiya etiladi).

Loyiha ishini bajarish bosqichlari:

- jamoalarni shakllantirish;
- muammoli topshiriqlarni bayon qilish;
- baholash mezonini e'lon qilish;
- bajarish muddatini belgilash (loyiha ishi uzoq muddatda bajariladi).

Jamoalarni shakllantirish:

- o'qituvchi tomonidan shakllantirish;
- qur'a tashlash orqali shakllantirish;
- o'quvchilar tomonidan shakllantirish (ayrim o'quvchilarning jamoalarga qo'shilmay qolish holatiga yo'l qo'yimaslik kerak).

Mavzuni ochish berishga yo‘naltiruvchi savollar:

1. Yoshlarni ish bilan ta‘minlash borasida qanday imtiyozlar yaratish zarur?
2. Voyaga yetmaganlar uchun yangidan aynan qanday ish turlarini yaratgan bo‘lar edingiz?

***Eslatma:** O‘quvchilar oldindan jamoalarga bo‘linib loyiha ishiga tayyorlanadilar. BSB – 1 kuni loyiha ishini taqdim etib baholanadilar.*

Loyiha ishini baholash mezonlari		
1	Loyiha mavzusi va bajarish bosqichlarining maqsad bilan uyg‘unligi	10 ball
	– loyiha mavzusi va bajarish bosqichlari (xaritasi) loyiha maqsadini yoritishga xizmat qilgan, maqsadga erishish uchun noodatiy yondashilgan hamda maqsadga muvofiq tarzda taqdim etilgan bo‘lsa	9-10 ball
	– loyiha mavzusi va bajarish bosqichlari (xaritasi) loyiha maqsadini yoritishga xizmat qilgan, ammo juz‘iy kamchiliklar sabab maqsaddan biroz og‘ish kuzatilgan bo‘lsa	4-8 ball
	– loyihaning bajarish bosqichlari (xaritasi)da ketma-ketlikka amal qilinmagan, bu holat loyiha maqsadining yoritilishida aks etgan bo‘lsa	1-3 ball
2	Muammo va yechim	10 ball
	– huquqiy savodxonlik muammosi to‘g‘ri aniqlangan va shu muammoning yechimi uchun xizmat qiladigan reja ishlab chiqilib, targ‘ibot ishlari amalga oshirilgan bo‘lsa	9-10 ball
	– ishlab chiqilgan reja insonlarni huquqiy savodxonligini oshirishga qaratilgan, ammo muammo yechimiga qisman yondoshilgan bo‘lsa	4-8 ball
	– o‘quvchida loyiha ishini bajarish bo‘yicha tashabbus bo‘lmasa, topshiriqlarni bajarishda mas‘uliyatsizlik qilinsa	1-3 ball
3	Ma‘lumotlarning huquqiy ahamiyatga ega ekanligi va qonunlardan foydalanilganligi	10 ball
	– Konstitutsiya va mehnat qonunchiligiga oid qoidalar to‘liq o‘rganilgan, tarqatma materiallarida O‘zbekiston Konstitutsiyasi va mehnat huquqi qoidalarining mazmuni va mohiyati to‘liq yoritilgan shuningdek, qonun ustuvorligi aks etgan, o‘quvchilarning faoliyati fuqarolarda huquqiy ong va huquqiy madaniyatni rivojlantirishga qaratilgan bo‘lsa	9-10 ball
	– Konstitutsiya va mehnat kodeksi qoidalari to‘liq o‘rganilmagan, tarqatma materiallarda O‘zbekiston Konstitutsiyasi va mehnat huquqi qoidalarining mazmun va mohiyatiga yondashilgan, ammo to‘liq yoritilmagan bo‘lsa	4-8 ball
	– Konstitutsiya va mehnat huquqi qoidalari yotilmagan, uning mazmun va mohiyati to‘liq ochib berilmagan bo‘lsa	1-3 ball

4	Taqdimotchining shaxsiy xislatlari	10 ball
	– loyiha ishi natijalarini taqdim etishda nutqiy savodxonligi yuqori bo‘lib, aniq va lo‘nda bayon etilsa	4 ball
	– jamoa bilan hamkorlikda ishlagan bo‘lsa	3 ball
	– xulq atvor qoidalariga amal qilib, vatanparvarlik ruhida yondoshilgan bo‘lsa	3 ball
5	Tahlil va xulosa	10 ball
	– to‘g‘ri tahlil qilingan bo‘lsa	4 ball
	– tahlil natijalari bo‘yicha xulosa chiqarilgan bo‘lsa	4 ball
	– tahlil va xulosa natijalarini ijtimoiy hayotda qo‘llash mumkin bo‘lsa	2 ball
JAMI:		50 ball